

MME NTIÑ-NNIM IKQ KE ABAÑA EMANA CHRIST
Numbers 24:17; Isaiah 7:14; 9:1-7; 11:1-5; Micah 5:2; Jeremiah 31:15
QYQHQ UKPEP-ÑKPQ 103

Eke Ikpọ Owo

IKQ IBUOT: “Koro eyen amanade ọnọ nnyin, enọ nnyin eyen-eren: ubọñ onyūñ odorọ enye ke afara; enyūñ esio enye enyin, Utibe, Ọnọ-item, Ọkpọsọñ Abasi, Nsinsi Ete, Ọbọñ Emen” Isaiah 9:6).

I Idiọñ Emi Enọde Ererimbot

1. Jesus, uñwana ererimbot, enyene ndimana nto edisana eyen añwan, Isaiah 7:14; Matthew 1:21, 23
2. Enye enyene ndimana ke Bethlehem obio Judea, Micah 5:2; Matthew 2:6; John 7:42
3. Esio Enye enyiñ ition mi, Isaiah 9:6
4. Spirit Jehovah eyedoro Enye ke idem, Isaiah 11:2; 61:1; Matthew 3:16; John 1:32
5. Enye eyekpe ikpe nte enende, Isaiah 11:3, 4; Eriyarare 19:11

II Akwa Uñwana

6. Oto ke ntak idiọk-ñkpọ, ekim ofuk ofuri isọñ, Isaiah 9:1; 2 Ndidem 17:6, 7
7. Mbio oro eketiede ke ekim ekut akwa uñwana, Isaiah 9:2; Matthew 4:16; Ñwed Mbon Ephesus 5:8
8. Ke ini owo ọbọde Ikọ Abasi, ọkpọnọ idiọk-ñkpọ esie ọbunọ, enye onyūñ enyene idaresit, Isaiah 9:3-5; Judges 7:22
9. Eyen emi ekenyenede ndimana eyetie ke ebekpo David, ndien ñkọri iditreke ke ebekpo ukara Esie, Isaiah 9:7; Daniel 2:44; Luke 1:32

III Ntantañ Oto Ke Jacob

10. Esañ eyedaha ada ke Israel onyūñ osobo mme idiọk-owo, Numbers 24:17; Genesis 49:10
11. Esañ eyeto ke oruñ Jesse ọwọrọ, Isaiah 11:1, 4, 10; Utom Mme Apostle 13:22, 23
12. Ntuaña ye eseme ema edu ke Obio Ramah, Jeremiah 31:15; Matthew 2:17, 18.

SE EKPEPDE EBAÑA

Ikọ Abasi Ikpuhọkere

“IKQ okodu ke eritọñ, IKQ okonyūñ odu ye Abasi, IKQ onyūñ edi Abasi.” Ukpuhọre iduhe, Ikọ Abasi inyūñ iwọñkọkere koro okododu ke eritọñ, onyūñ edi Abasi. Mme eñwọñ Abasi enem ke esit nnyin didie koro nnyin ifiokde ite kpukpru se enye ọkọñwọñkọde, Enye iditreke ndinam. Iduhe itie ke Ikọ Abasi emi okponde onyūñ edide akpanikọ akan mme ntiñ-nnim ikọ ke abaña emana Jesus. Ọtọñkọde ke ini emi Abasi okobotde ererimbot ye ini iduọ owo ke Iñwan Edin tutu osim ini emi Abasi afakde owo, nnyin imokut nsio-nsio ntiñ-nnim ikọ Abasi emi anyande ubọk owut Messiah, Andifak uduot-owo. Tọñkọde ke Genesis tutu ofuri Akani Ediomini okure ekesim ini emi ọwọrọde osu, nnyin imokut mme ntiñ-nnim ikọ emi. Emi anam nnyin idọhọ ite, “Ikọ Abasi ọsọñkọ ada adaña ididie!”

Usuhọre Obio Bethlehem

“Ndien afo Bethlehem Ephrathah, emekpri ke otu mme tọsin Judah, edi owo eyeto fi ke esit ọnọ mi, eke edidide andikara ke Israel; enye emi eriwọrọ esie okodude tutuko, kpa ke eyo eset” (Micah 5:2). Usuhọre Obio Bethlehem! Kpa ye oro akana nte Andifak uduot-owo amana ke enye. Ema etiñ ntiñ-nnim ikọ emi ke ñkpọ nte isua 700 ema ekebe mbemiso emana Christ. Edi akpanikọ nte ke ediwak mbon nsahi ke mme isua emi eketienede ntiñ-nnim ikọ emi, ikenimke ke akpanikọ, enyūñ edọhọ ete ke mmimọ ima ikokop ibaña ntiñ-nnim ikọ oro ediwak ini ndien ke enye iwọrọke isu kaña; ukem nte nnyin ikopde mme owo etiñde mfin emi ebaña editọñkọ ntak ndi Jesus ete ke mmimọ imokop enye ke ofuri uwem mmimọ ndien enye iwọrọke isu kaña. Edi eyen Abasi onim eñwọñkọ emi onyūñ ebet Andinyaña emi edisopde edi. Abasi, andikara enyọñ ye isọñ ekemek itie usin-udia ufene nte ebiet emi suñ-suñ ye usuhọre Jesus ekenyenede ndimana.

Enye ekemek ekpri obio Bethlehem nte ebiet emi Enye ekenyenede ndimana. Enye ekemek usuhọre obio Nazareth ọnọ ini uyẹn Esie, ndiwut mme owo ete owo ekpebuene nte ebebuene, odu ke ata usuhọre itie, esin enye ke ererimbot emi, Ọbọñ Ubọn ama asaña ebe ke kpukpru ñkpọ emi ọnọ nnyin man afak nnyin osio ke mme idiọk-ñkpọ, man inyūñ inyene iduñ ke edem enyọñ. Nso uto idaha okpon ntem, owo ndidi kiet ke otu ata ñkpri emi Abasi emekde man akabare edi abuana-udeme ye Jesus Christ!

Ntantaŋiŋ Oto Ke Jacob

Ke ini Balak okodomode ndikpe Balaam ete osuñi Israel, Abasi ama ɔwɔŋɔre isuñi esin ke edidiŋ, ndien Balaam etiñ ntiñ-nnim ikɔ abaña nte enye okutde Ntantaŋiŋ asaŋade oto ke Jacob ye nte esañ adahade ke enyɔŋ ke Israel (Numbers 24:17). Ke tɔsin isua kiet ye ikie inaŋ ema ekebe, ndusuk mme ɔfiɔk ñkpɔ owo ke Edem Usiaha-utin ema ekut ntantaŋiŋ ke enyɔŋ. Mmɔ ema efiɔk usɔp-usɔp ete ke Edidem amana, ndien mmɔ ema esañ anyan isañ oro eka ke Jerusalem man eketuak ibuot enyuñ ekpono obufa Edidem emi akamanade.

Ekere ete ke mme ɔfiɔk-ñkpɔ owo emi eketo ubon Abraham. Edi akpanikɔ nte ke mbuɔtidem Abraham ama etiene ubon esie ebe ke mme tɔsin isua tutu ke akpatre Edidem ama edi. Ini kiet mmɔ ema efiɔk ntantaŋiŋ oro enyuñ enim ke akpanikɔ ete ke edi eñwɔŋ ɔwɔrɔ osu. Ndien mmɔ ema enam ñkpɔ. Mmɔ ema enam mbeñeidem enyuñ esañ anyan isañ oro ndikokut Edidem oro ke idem mmɔ.

Ke ofuri ererimbot mfin, mme owo enim ete mme ntiñ-nnim ikɔ ke esu emi edidade eritɔŋ ntak ndi Edidem Ubɔŋ edi. Edi ibat-ibat owo enam ɔyɔhɔ mbeñeidem emi Ñwed Abasi ɔdɔhɔde ete nnyin inyene ndinam edieke nnyin iyomde ndikut Edidem emi ke uyai Esie.

Baba kiet ke otu nti eñwɔŋ Abasi ke abaña akpa eridi Edinen ye Edisana Owo oro ikɔkpɔhɔ, ndien esɔŋ etiñ enɔ nnyin ete ke baba kiet iditreke ndisu ke se etiñde enɔ nnyin ebaña editɔŋ ntak ndi Esie, man edida ubɔŋ ke idem nti Ikɔt Esie, man kpukpru mmɔ emi enimde ke akpanikɔ edara Enye (2 Ñwed Thessalonica 1:10).

Amana Oto Edisana Eyen-Añwan

Tɔŋɔ ke ata eset, Abasi esinam mme utibe-ñkpɔ man mme owo enim nsinsi ifiɔk ye odudu Esie ke akpanikɔ. Enye anam mme ñkpɔ emi owo mikemeke ndinam. Jesus ama etiñ ɔnɔ otu owo usen kiet, “Enim se ntiñde ke akpanikɔ ke ntak utom Mi.” Ini kiet Abasi ama oyom ndinɔ Ahaz, edidem Judah idiŋŋ. Enye ekedi idiŋk edidem, edi Abasi okosuk owowut mbio obio esie mbɔm. Ahaz, ke ndinam ñkari nte ke imeteñe Abasi, ama esin Abasi ndinɔ enye idiŋŋ. Abasi ama ɔdɔhɔ ete ke Imɔ iyesuk inɔ enye idiŋŋ nte ededi, “Sese, eyenɔwɔŋ añwan oyomo onyuñ aman eyen eren, onyuñ osio enye enyiñ IMMANUEL.”

Ndusuk Ahaz eketie nte ediwak owo mfin emi, emi minimke mme utibe-ñkpɔ ke akpanikɔ. Eti-mbuk nte Matthew ye Luke ewetde etiñ ete ke Jesus akamana oto edisana eyen añwan; edi mbon obufa ifiɔk eyo emi, emi edude ke otu nsio-nsio ufɔk-Abasi ke idut nnyin, etiñ añwa-añwa ete ke mmimɔ inimke ite ke akamana oto edisana eyen añwan. Se Ikɔt Abasi enimde ke akpanikɔ (Apostles’ Creed), emi nsio-nsio ufɔk-Abasi esitiñde enyuñ emade ke ata ediwak isua nte ibio-ibio usuñ nditiñ se Ikɔ Abasi ekpepde, emi edi se mbon obufa ifiɔk eyo emi esinde. Ikɔ Abasi eneñere owut ete ke ekeyomo Jesus eto odudu Edisana Spirit, onyuñ amana oto edisana Mary. Ke ini owo amanade oto ke spirit, emem didie enye ndinim ofuri Ikɔ Abasi ke akpanikɔ!

Akwa Uñwana

Ntiñ-nnim ikɔ Isaiah ke abaña isɔŋ Zebulun ye Naphtali ɔkɔdɔhɔ ete, “Mbɔ oro ekesaŋade ke ekim ekut akwa uñwana: ama edi mmɔ eke eketiede ke isɔŋ mfut mkpa, uñwana ayama ɔnɔ mmɔ.”

Ke eritɔŋ, ke ini ekim akakarade ofuri ererimbot, Abasi ama anam utin, ɔfiŋ ye mme ntantaŋiŋ man ɔnɔ ererimbot emi uñwana. Ndien ke ini idiŋk-ñkpɔ okodukde edi, onyuñ onukde ererimbot esin ke ekim idiŋk-ñkpɔ, Abasi ama ɔtɔŋ ndiyarade mbe ke mme anditiñ ntiñ-nnim ikɔ Esie ete ke akamba uñwana eyeyama ke ererimbot emi, uñwana emi ediyamade inɔ kpukpru owo.

Ke ini Joseph ye Mary ekemende Jesus eka ke Itie-ukpono Abasi man ekefɔp mme uwa nte ibet Moses eketemede, Simeon, owo Abasi, ama okut Jesus onyuñ emen nsek eyen ke ubɔk esie onyuñ ooro Abasi ete, “Ke emi, O ɔbɔŋ, Afo ke ayak owo fo ɔnyɔŋ ke ifure, Nte Afo ɔkɔdɔhɔde; koro enyin mi emekut erinyaña Fo, Eke Afo okonimde ke iso kpukpru mme idut; Ete, edi uñwana eke ediyarade ñkpɔ ɔnɔ mme Gentile, Onyuñ edi ubɔŋ ikɔt Fo Israel” (Luke 2:25-35).

MME MBUME

1. Mmɔŋ ke Ñwed Abasi ke nnyin ikeme ndikut akpa eñwɔŋ ke emi abaña Andifak?
2. Tɔŋɔ ntak siak mme enyiñ emi enyenede ndikot Jesus?
3. Ntiñ-nnim ikɔ ɔkɔdɔhɔ abaña ewe obio ete ke Jesus edimana do, ndien anie ɔkɔŋ ntiñ-nnim ikɔ oro?
4. Nso idiŋŋ ke Abasi ɔkɔŋ ke abaña emana Jesus?
5. Mme ntiñ-nnim ikɔ ifaŋ emi abaña emana Jesus ewɔrɔ esu?
6. Anie eketiñ ntiñ-nnim ikɔ ete ke Ntantaŋiŋ eyeto ke Jacob?
7. Anie eketiñ ntiñ-nnim ikɔ ete ke Esañ eyedaha ada oto ke oruñ Jesse?
8. Ntantaŋiŋ, Esañ, Mmɔnyɔ ye Nsehe eda enɔ anie?